



**Institut za intelektualno vlasništvo Bosne i Hercegovine, u saradnji sa projektom EU Podrška pravima intelektualnog vlasništva, koji finansira Evropska unija, poziva bh. inovatore da se prijave na**

## **JAVNI KONKURS**

**za mjerenje usklađenosti svojih biznisa sa Ciljevima održivog razvoja (SDG) povodom Svjetskog dana intelektualnog vlasništva 2024.**

Svjetski dan intelektualnog vlasništva obilježava se 26.4. svake godine sa ciljem podizanja svijesti o ulozi koju prava intelektualnog vlasništva imaju u poticanju inovacija i kreativnosti. Ove godine naglasak je na odnosu intelektualnog vlasništva i Ciljeva održivog razvoja, pod sloganom „Gradimo zajedničku budućnost inovativnošću i kreativnošću“.

Ciljevi održivog razvoja (SDG) su 17 međusobno povezanih i ambicioznih ciljeva kojima se rješavaju glavni izazovi u razvoju sa kojima se suočavaju ljudi u BiH i širom svijeta. Ciljevi su osmišljeni kao „nacrt za postizanje bolje i održivije budućnosti za sve“ do 2030. godine, a osmislila ih je Generalna skupština Ujedinjenih naroda. Ciljevi održivog razvoja predstavljaju globalni poziv na djelovanje u pravcu okončanja siromaštva, zaštite okoline i klime na našoj planeti i pružanja mogućnosti uživanja mira i prosperiteta svim ljudima, svuda u svijetu. Uloga Ujedinjenih naroda u ciljevima održivog razvoja je ključna jer UN djeluje kao koordinator i posrednik, pomažući u postavljanju globalne agende, mobilizaciji resursa i okupljanju dionika iz vlada, privatnog sektora, civilnog društva i drugih subjekata radi saradnje i pokretanja napretka prema ovim ciljevima.

Dok prava intelektualnog vlasništva igraju ključnu ulogu u poticanju inovacija i razvoja tehnologija koje mogu pomoći u postizanju Ciljeva održivog razvoja, postoji potreba za politikama i praksama koje osiguravaju da ta prava takođe podržavaju pravičan pristup, prenos tehnologije i Ciljeve održivog razvoja na domaćem i globalnom nivou.

Sa ciljem da obilježimo Svjetski dan intelektualnog vlasništva u BiH, pozivamo vas da učestvujete u javnom konkursu tako što ćete kao inovator (kompanija, start up ili pojedinac) **predstaviti svoj projekat za koji smatrate da najbolje odražava odnos intelektualnog vlasništva i Ciljeva održivog razvoja** (zeleni patent, održivi žigovi i sl.).

Prezentacije se, uz popunjen prijavni obrazac, koji je sastavni dio ovog poziva, šalju elektronskim putem u periodu od 15.3.2024. do 15.4.2024. na sljedeću e-mail adresu: **ipday2024@ipr.gov.ba**

Kriteriji rada:

- inovatori trebaju imati sva prava nad projektom, i u slučaju da koriste sadržaj treće strane trebaju imati njihovo odobrenje;
- pisana prezentacija se dostavlja u formatu do dvije kartice teksta (pod karticom teksta se podrazumijeva 1.800 znakova sa razmacima), font Times New Roman, prored 1.5, font 12;
- Power Point prezentacija se dostavlja u formatu do 10 slajdova;
- svi dokumenti trebaju biti dostavljeni u PDF formatu.

Svaki učesnik može kao pojedinac poslati jednu prezentaciju ličnog projekta i može konkurisati sa još jednim projektom kao dio grupe autora. Kada konkuriše grupa autora, jedan koautor podnosi prijavni obrazac i on u daljoj komunikaciji zastupa grupu autora. Na konkurs se mogu



Institut za intelektualno vlasništvo  
Bosne i Hercegovine

prijaviti samo projekti koji su inovativni i dokazano su povezani sa nekim od [Ciljeva održivog razvoja](#).

Na konkurs se mogu prijaviti svi građani BiH.

Napomena: Uposlenici Instituta za intelektualno vlasništvo Bosne i Hercegovine, kao i članovi njihovih užih porodica, odnosno osobe koje su povezane sa organizacijom konkursa nemaju pravo učestvovanja.

Odlučujući faktor u odabiru radova biće uspješno artikulisanje tematike i vizuelnog sadržaja, inovativnost i umjetnička kvaliteta radova.

Žiri će biti sastavljen od 3 uposlenika Instituta za intelektualno vlasništvo Bosne i Hercegovine.

Žiri će dodijeliti tri prve nagrade (tri tableta). Nagrade će biti uručene na događaju obilježavanja Svjetskog dana intelektualnog vlasništva 26.4.2024. godine u Mostaru.

Odluka o nagrađenim radovima biće objavljena najkasnije do 22.4.2024. godine na web stranici Instituta za intelektualno vlasništvo Bosne i Hercegovine [www.ipr.gov.ba](http://www.ipr.gov.ba)